

NAQQIUT

Siunnersuut 15. november 2017-imeersoq taarserpaa

Tunngavigisaq

Inatsisartoqarfip tikkuarpaa, pingajussaaneerneqarnissaanut allannguutisstut ssiunnersuutit § 7-mi immikkoortoq 3-nik ikkussinernik tamarmik imaqtartut. Naqqiut manna taamaasilluni inatsisiliornikkut naqqineruinnarpoq.

Allannguutissatut siunnersuut

uunga

Unga siunnersuut: Kalaallit Nunaanni aalisarnermi pisarineqartut isumalluutinik atuinermut akitsuutaat pillugit Inatsisartut inatsisaat.

Pingajussaaneerinissamut Naalakkersuisunit saqqummiunneqartoq.

1. Inatsisartut inatsisissaattut siunnersuummi § 3, *imm. 2*, ima oqaasertalerneqassaaq:
"Imm. 2. Sinerissamut qanittumi raajarniarneq qaleralinniarnerlu §§ 4-7-mi malittarisassat naapertorlugit akitsuuteqartinneqassapput."

2. Inatsisartut inatsisissaattut siunnersuummi § 6, *imm. 3* ima oqaasertalerneqassaaq:
"Imm. 3. Akitsuutip procentiata 17,5 procent qaangissanngilaa."

3. Inatsisartut inatsisissaattut siunnersuummi § 7, *imm. 3* malillugu *imm. 4* nutaaq ilanngunneqassaaq:
"Uiluinnik inummut allamut tunniussinermi imaluunniit Kalaallit Nunaanni annissinermi akitsuut akiusup 5 procenterissavaa."

Siunnersummut nassuaatit

Nalinginnaasumik nassuaatit

Allannguutissatut siunnersuutip nassatarissavaa sinerissamut qanittumi saarullinniarneq, saattuarniarneq nipisaallu suaannik aalisarneq akitsuuteqartinneqassanngimmata. Aammattaaq uiluinnut akitsuut 5 procentimik aalajangersarneqarpoq.

Sinerissamut qanittumi saarullinniarnerup, saattuarniarnerup nipisaallu suaannik aalisarnerup killeqangaatsiartut ilaatigut naapertuittingitsumik akitsuuteqartinneqarnerat pillugu naalakkersuisooqatigiinni oqallinnerit kingunerisaannik allannguisoqarpoq.

Aammattaaq kingusisorujussuakkut saaffiginnissummik tigusaqarnerup kingorna paasineqarpoq uiluinnik maanna aalisarnermut akitsuutitut siunnersummi siunniunneqartoq nammanneqarsinnaassanngitsoq. Taamaattumillu taakkuninnga aalisarnermi akitsuut 5 procentinut aalajangersarneqassasoq siunniunneqarpoq.

Uiluinniarnermut akitsuutip allanngortinneqarnera ukiumoortumik iluanaarutit 1 mio. kr.-it pallillugit annikilleriarnissaat naatsorsuutigineqarpoq. Taamaattorli uiluinniarnermit iluanaarutissatut missingerneqaqqartut piviusunngortinneqarsinnaanissaat qularnartutut isigineqartariaqarpoq, tassa aalisarnermut tamatumunnga akitsuutissatut siunnersuutigineqartut malillugit aalisarneq tamanna imminut akilersinnaananavianngimmat.

Sinerissamut qanittumi saarullinnik, saattuanik nipisaallu suaannik aalisarnermi akitsuutit peernerisigut iluanaarutit ukiumoortumik 4,4 mio. kr.-inik ikilissasut naatsorsuutigineqarpoq. Taakku akitsuutip qaffasinnerpaaffissaata 17 pct.-imit 17,5 pct.-imut qaffanneratigut matussuserneqassapput, akitsuutitigut 7 mio. kr.-inik iluanaaruteqarfiusussatut naatsorsuutigineqartut.

Allanguisoqarneratigut avataasiorluni raajarniartut qaleralinniartullu akileraarutit ilanngaatigereerlugit 4,5 mio. kr.-it missaannik aningaasartuuteqarnerulernissaat naatsorsuutigineqarpoq. Avataasiorluni aalisarnermi piginnittut inuussutissarsiornerminni akuerinartumik iluanaaruteqarnissamut aningaasaliinissamullu periarfissaat ajornerulersinngikkaluarlugit akitsuummik akiliisinnaassasut nalinerneqarpoq.

Sinerissamut qanittumi aalisartut akitsuummit 4,4 mio. kr.-it missaat sipaarutigissavaat, taakkulu ilanngaatissat ilanngaatigereerlugit 2,9 mio. kr.-it missaannik annertussuseqassallutik. Taamaaliornikkut taakku iluanaaruteqarnissamut periarfissaat annertuseriartinneqassapput.

Aalajangersakkanut ataasiakkaanut nassuaatit

Nr. 1 aamma 2-mut

Sinerissamut qanittumi raajarniarneq qaleralinniarnerlu kisimik akitsuuteqartinneqassasut siunnersuutigineqarpoq. Tamatuma kingunerisaanik akitsuutip procentiata § 6, imm. 3-mi qaffasinnerpaaffissa 0,5 procentimik qaffallugu 17,5 procentinngortinneqassasoq siunnersuutigineqarpoq.

Nr. 3-mut

Uiluinnik inummut allamut tunniussinermi taakkuninngaluunniit nunatsinnit annissinermi akiusup 5 procentianik akitsuut aalajangersarneqassasoq siunnersuutigineqarpoq.